

TETRANDRIA MONOGYNIA.

35

In Peloponnesi, et insularum Graecarum, apricis aridis vulgatissima. 2.

*Radix* fibrosa, perennis. *Caulis* nullus. *Folia* magnitudine et numero varia, radicalia, patentia, lanceolata, acuta, plana, concinnè denticulata; denticulis remotis, uniformibus, quandoque rarissimis; utrinque pilosa, quinquenervia; nervis lateralibus subindè obsoletis; basi attenuata in *petiolum* canaliculatum, marginatum. *Scapi* plures, axillares, solitarii, adscendentes, teretes, simplicissimi, pilis erectis vestiti, foliis duplò plerumque longiores, basi villis densissimis, sericeis, mollibus intertexti. *Spicae* solitariae, terminales, erectae, ovatae, vel elongato-cylindraceae, pilosissimae, albidae, densae, multiflorae. *Calycis* laciniae inaequales, gibbosae, acutae, pilosissimae. *Corolla* calyce duplò longior; tubo albido, supernè dilatato; limbo patentissimo, aequali, lacinii ovatis, acuminatis, albidis, nervo rubro. *Stamina* capillaria, alba, longissimè exserta, antheris subrotundis, muticis, versatilibus, flavis. *Germen* parvum, oblongum. *Stylus* glaber, corollà parùm longior. *Stigma* acutum. *Capsula* gracilis, tenuissima. *Semina* solitaria, fusca, nitida, subcylindracea, utrinque obtusa, hinc sulcato-umbilicata, illinc convexa.

a. A. Flos, calyce orbatus, magnitudine naturali et triplò auctà.

B. Calyx eadem proportione auctus, cum pistillo.

c. C. Semen.

TABULA 145.

PLANTAGO ALBICANS.

PLANTAGO foliis lanceolatis obliquis undulatis villosis, spicà cylindraceà laxiusculà, scapo tereti foliis longiore.

P. albicans. *Linn. Sp. Pl.* 165. *Willd. Sp. Pl.* v. 1. 645.

P. angustifolia albida hispanica. *Tourn. Inst.* 127.

Holosteum hirsutum albicans majus et minus. *Bauh. Pin.* 190.

H. salmanticense majus. *Clus. Hist.* v. 2. 110.

In Samo, aliisque Archipelagi insulis, sed rariùs. In Peloponneso etiam legit Sibthorp. 2.

*Radix* perennis, sublignosa, caespitosa. *Caules* brevissimi, adeò ut ferè nulli. *Folia* subradicalia, numerosa, patenti-recurva, spithamæa, vel breviora, lineari-lanceolata, acuta, integerrima, obliquè torta, undulata, glaucescentia, pilis mollibus tenuissimis villosa, tri- seu quinque-nervia; basi in petiolum canaliculatum elongata. *Scapi* plures, erecti, stricti, foliis duplò circitèr longiores, teretes, densè lanati, imprimis cum tenelli et incurvati primò erumpant, pilis patentibus, subintricatis. *Spica* cylindracea, gracilis, multiflora, mox laxiuscula vel strigosa. *Bractæ* sub singulo flore solitariae,